

**ՊԵՏՈՒԹՅԱՆ ԿԱՐԻՔՆԵՐԻ ՀԱՄԱՐ
ՀԱՏՈՒԿ ՆՇԱՆԱԿՈՒԹՅԱՆ ԱՎՏՈՄԵՔԵՆԱՆԵՐԻ ՄԱՏԱԿԱՐԱՐՄԱՆ
ՊԵՏԱԿԱՆ ԳՆՄԱՆ ՊԱՅՄԱՆԱԳԻՐ
N << ՀՀ-ՖՆ-ՇՀԱՊՁԲ-15-1-15/21 >>**

ք. Երևան

<<11>> *հաշվառ* 2015թ.

ՀՀ ֆինանսների նախարարությունը, ի դեմս նախարարության աշխատակազմի ղեկավար Ա.Արզումանյանի, որը գործում է նախարարության կանոնադրության հիման վրա, այսուհետ՝ <<Գնորդ>>, մի կողմից, և <<ՏՈՅՈՏԱ ԵՐԵՎԱՆ>> ՍՊԸ-ն, ի դեմս ընկերության գլխավոր տնօրեն Վ.Գրարյանի, որը գործում է կազմակերպության կանոնադրության հիման վրա, այսուհետ՝ <<Վաճառող>> մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1. Վաճառողը պարտավորվում է սույն պայմանագրով /այսուհետ՝ Պայմանագիր/ սահմանված կարգով, ծավալներով և նախատեսված ժամկետներում՝ Գնորդին կամ նրա կողմից որոշված Ստացողին (այսուհետ՝ Ստացող) մատակարարել Պայմանագրի N 1 հավելվածով՝ Տեխնիկական բնութագրի-ր- գնման ժամանակացույցով նախատեսված հատուկ նշանակության ավտոմեքենաներ /այսուհետ՝ Ապրանք/, իսկ Գնորդը պարտավորվում է ընդունել այդ Ապրանքը և վճարել դրա համար:

2. ՄԱՏԱԿԱՐԱՐՄԱՆ ՊԱՅՄԱՆՆԵՐԸ

2.1 Վաճառողն Ապրանքը մատակարարում է Գնորդին /Ստացողին/ Պայմանագրի N 1 հավելվածով՝ սահմանված ծավալներով և ժամկետներում:

2.2 Վաճառողը Ապրանքը հասցնում է Գնորդին /Ստացողին/՝ նրա կողմից նշված հասցեով /ներով/:

3. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

3.1 Գնորդն իրավունք ունի՝

3.1.1 Ապրանքը Պայմանագրով սահմանված ժամկետում Վաճառողի կողմից չմատակարարելու դեպքում հրաժարվել Ապրանքից, եթե մատակարարման ժամկետները խախտվել են 20 օրից ավելի.

3.1.2 Եթե հանձնվել է անպատշաճ որակի՝ Պայմանագրի 1.1 կետում նշված տեխնիկական բնութագրին չհամապատասխանող Ապրանք.

ա) պահանջել հատուցելու Ապրանքի անպատշաճ որակի լինելու պատճառով իր կատարած ծախսերը.

բ) չընդունել Ապրանքն՝ իր հայեցողությամբ սահմանելով անպատշաճ որակի Ապրանքը Պայմանագրին համապատասխանող որակի Ապրանքով անհատույց փոխարինման ողջամիտ ժամկետ և պահանջել Վաճառողից վճարելու Պայմանագրի 7.4 կետով նախատեսված տուգանքը.

գ) հրաժարվել Պայմանագիրը կատարելուց և պահանջել վերադարձնելու Ապրանքի համար վճարված գումարը.

3.1.3 Եթե հանձնվել է Պայմանագրով որոշվածից պակաս քանակի Ապրանք, ապա.

ա) պահանջել լրացնելու Ապրանքի պակաս հանձնված քանակը,

բ) հրաժարվել հանձնված Ապրանքից և դրա համար վճարելուց, իսկ եթե Ապրանքի համար վճարվել է, ապա՝ պահանջել վերադարձնելու վճարված գումարը և վճարելու Պայմանագրի 7.2 կետով նախատեսված տույժը:

3.1.4 Եթե հանձնվել է տեսակի պայմանի խախտմամբ Ապրանք, իր ընտրությամբ՝

ա) ընդունել տեսակի վերաբերյալ պայմանին համապատասխանող Ապրանքը և հրաժարվել մնացած Ապրանքներից.

բ) հրաժարվել հանձնված բոլոր Ապրանքներից և պահանջել վճարելու սույն պայմանագրի 7.2 կետով նախատեսված տույժը.

գ) պահանջել տեսակի վերաբերյալ պայմանին չհամապատասխանող Ապրանքի անհատույց փոխարինում Պայմանագրով նախատեսված տեսակին համապատասխան Ապրանքով.

3.1.5 Վաճառողի կողմից մատակարարման ժամկետների խախտման դեպքում իր հայեցողությամբ սահմանել Ապրանքի մատակարարման նոր ժամկետ և պահանջել Վաճառողից վճարելու Պայմանագրի 7.2 կետով նախատեսված տույժը:

3.1.6 Վաճառողից պահանջել հատուցելու վնասները, եթե Գնորդը Վաճառողի կողմից պարտավորությունը խախտելու հետևանքով Պայմանագրի լուծումից հետո ողջամիտ ժամկետում այլ անձից ավելի բարձր, սակայն ողջամիտ գնով գնել է Ապրանք՝ Պայմանագրով նախատեսվածի փոխարեն՝ Պայմանագրով սահմանված և դրա փոխարեն կնքված գործարքի գների միջև տարբերության չափով, ինչպես նաև Ապրանքն այլ անձից ձեռք բերելու համար իր կատարած բոլոր անհրաժեշտ և ողջամիտ ծախսերը:

3.1.7 Միակողմանի լուծել Պայմանագիրը (լրիվ կամ մասնակի), եթե Վաճառողն էականորեն խախտել է Պայմանագիրը:

3.1.7.1 Վաճառողի կողմից Պայմանագիրը խախտելն էական է համարվում, եթե՝

ա) մատակարարվել է անպատշաճ որակի Ապրանք որը չի կարող փոխարինվել Գնորդի համար ընդունելի ժամկետում:

բ) Ապրանքի մատակարարման ժամկետները խախտվել են 20 օրից ավելի,

3.1.8 Ձևնել Ապրանքը և հայտնաբերված թերությունների մասին անհապաղ տեղեկացնել Վաճառողին:

3.2 Գնորդը պարտավոր է՝

3.2.1 Կատարել Պայմանագրին համապատասխան մատակարարված Ապրանքի ընդունումն ապահովող բոլոր անհրաժեշտ գործողությունները:

3.2.2 Վաճառողի հանձնած Ապրանքից Պայմանագրին համապատասխան հրաժարվելու դեպքում, ապահովել այդ Ապրանքի պատասխանատու պահպանությունը և դրա մասին անհապաղ տեղեկացնել Վաճառողին:

3.2.3 Պայմանագրով նախատեսված կարգով և ժամկետներում մատակարարված Ապրանքն ընդունելու դեպքում Վաճառողին վճարել վերջինիս վճարման ենթակա գումարները, իսկ վճարման ժամկետի խախտման դեպքում՝ նաև Պայմանագրի 7.5 կետով նախատեսված տույժը:

3.2.4 Ապրանքի քանակի, տեսականու, որակի մասին Պայմանագրի պայմանները խախտելու մասին Վաճառողին ծանուցել թերությունը հայտնաբերելուց հետո անմիջապես կամ այն բանից հետո՝ ողջամիտ ժամկետում, երբ Պայմանագրի համապատասխան պայմանի խախտումը պետք է հայտնաբերված լինե՛ր՝ ելնելով Ապրանքի բնույթից և նշանակությունից:

3.2.5 Պայմանագրի 3.3.4 կետի համաձայն Պայմանագրի լուծումից հետո Վաճառողին հատուցել վերջինիս վնասները:

3.3 Վաճառողն իրավունք ունի՝

3.3.1 Գնորդից /Ստացողից/ պահանջել ընդունելու Պայմանագրով նախատեսված կարգով և ժամկետներում մատակարարված Ապրանքը:

3.3.2 Գնորդից պահանջել հատուցելու վնասները, եթե Վաճառողը Գնորդի կողմից պարտավորությունը խախտելու հետևանքով Պայմանագրի լուծումից հետո՝ ողջամիտ ժամկետում, այլ անձի՝ Պայմանագրով նախատեսվածից ավելի ցածր, սակայն ողջամիտ գնով վաճառել է Ապրանք՝ համապատասխան Պայմանագրով սահմանված և դրա փոխարեն կնքված գործարքի գների միջև տարբերության չափով:

3.3.3 Գնորդից /Ստացողից/ պահանջել վճարելու համապատասխան Պայմանագրով նախատեսված կարգով և ժամկետներում մատակարարված Ապրանքի համար իրեն վճարման ենթակա գումարները:

3.3.4 Միակողմանի լուծել Պայմանագիրը (լրիվ կամ մասնակի), եթե Գնորդն էականորեն խախտել է Պայմանագիրը:

3.3.4.1 Գնորդի կողմից Պայմանագիրը խախտելն էական է համարվում, եթե բազմիցս խախտվել են Ապրանքի համար վճարելու ժամկետները:

3.3.5 Գնորդի /Ստացողի/ համաձայնությամբ վաղաժամկետ մատակարարել Ապրանքը:

3.4 Վաճառողը պարտավոր է՝

3.4.1 Գնորդին /Ստացողին/ հանձնել Ապրանքը՝ Պայմանագրով նախատեսված կարգով և ժամկետներում:

3.4.2 Պայմանագրի 2.2 կետին համապատասխան՝ Ապրանքը Գնորդին /Ստացողին/ մատակարարել վերջինիս հետ նախապես համաձայնեցված ժամկետներում:

3.4.3 Ապահովել Ապրանքի մատակարարումը սույն պայմանագրի 3.1.2 բ/ և 3.1.5 կետերին համապատասխան՝ Գնորդի կողմից սահմանված ժամկետներում:

3.4.4 Գնորդին /Ստացողին/ հանձնել երրորդ անձանց իրավունքներից ազատ Ապրանք:

3.4.5 Գնորդին /Ստացողին/ հանձնել Պայմանագրի N 1 հավելվածով նախատեսված որակի և քանակի Ապրանք՝ Պայմանագրով նախատեսված կարգով և ժամկետներում, իսկ Գնորդի /Ստացողի/

պահանջով տրամադրել Ապրանքի որակը հավաստող՝ ՀՀ օրենսդրությամբ սահմանված փաստաթղթեր:

3.4.6 Թերի մատակարարում թույլ տալու դեպքում, Պայմանագրով նախատեսված կարգով, լրացնել թերի մատակարարվածը:

3.4.7 Հետ տանել Գնորդի /Ստացողի/ կողմից Պայմանագրի 3.2.2 կետին համապատասխան՝ պատասխանատու պահպանության ընդունված Ապրանքը կամ ողջամիտ ժամկետում տնօրինել այն, ինչպես նաև հատուցել Ապրանքը պատասխանատու պահպանության ընդունելու, այն իրացնելու կամ Վաճառողին վերադարձնելու հետ կապված անհրաժեշտ ծախսերը:

3.4.8 Պայմանագրով նախատեսված դեպքերում վճարել սույն պայմանագրի 7.2 և 7.4 կետերով նախատեսված տույժը և տուգանքը:

3.4.9 Գնորդին հանձնել Ապրանքի պատկանելիքները և համապատասխան փաստաթղթերը:

3.4.10 Պայմանագրի 3.1.7 կետի համաձայն Պայմանագրի լուծումից հետո Գնորդին հատուցել վերջինիս վնասները:

3.4.11 Պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Գնորդին:

4. ԱՊՐԱՆՔԻ ԳԻՆԸ ԵՎ ՎՃԱՐՄԱՆ ԿԱՐԳԸ

4.1 Պայմանագրով Վաճառողի կողմից հանձնման ենթակա Ապրանքի ընդհանուր գինը կազմում է՝ **126 500 000 (Մեկ հարյուր քսանվեց միլիոն հինգ հարյուր հազար)** ՀՀ դրամ, ներառյալ ԱԱՀ-ն: Ապրանքի միավոր գները սահմանված են սույն Պայմանագրի N 1 հավելվածում:

Ապրանքի գինը ներառում է հարկերը, տուրքերը և ՀՀ օրենսդրությամբ սահմանված այլ վճարները, Ապրանքի գրանցման հետ կապված բոլոր ծախսերը, ինչպես նաև Վաճառողի կողմից իրականացվող բոլոր ծախսերը:

Ապրանքի մատակարարման գինը կայուն է և Վաճառողն իրավունք չունի պահանջել ավելացնելու, իսկ Գնորդը նվազեցնելու այդ գինը:

4.2 Գնորդը իրեն մատակարարված ապրանքի դիմաց վճարում է ՀՀ դրամով անկանխիկ՝ դրամական միջոցները Վաճառողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ սույն պայմանագրի 9.2 կետով նախատեսված կնքվելիք համաձայնագրի վճարման ժամանակացույցով նախատեսված ամիսներում:

5. ԱՊՐԱՆՔԻ ՈՐԱԿԸ ԵՎ ԵՐԱՇԽԻՔԸ

5.1 Վաճառողը երաշխավորում է մատակարարված Ապրանքի որակի համապատասխանությունը պետական ստանդարտի պահանջներին:

5.2 Ապրանքի երաշխիքային ժամկետներին ներկայացվող պահանջները ներկայացված են սույն պայմանագրի N 1 Հավելվածում:

5.2.1 Եթե երաշխիքային ժամկետի ընթացքում ի հայտ են գալիս թերություններ, ապա Վաճառողը պարտավոր է իր հաշվին, Գնորդի կողմից սահմանված ողջամիտ ժամկետում վերացնել թերությունները:

6. ԱՊՐԱՆՔԻ ՀԱՆՁՆՈՒՄԸ ԵՎ ԸՆԴՈՒՆՈՒՄԸ

6.1 Վաճառողն Ապրանքը հանձնում է Գնորդին /Ստացողին/ Պայմանագրի N 1 հավելվածում նշված ծավալներով և ժամկետներում:

6.2 Պայմանագրի կամ դրա մի մասի կատարման արդյունքներն ընդունվում են Գնորդի և Վաճառողի միջև հանձնման-ընդունման արձանագրության ստորագրմամբ, իսկ Պայմանագրի արդյունքը Գնորդին հանձնելու փաստը ֆիքսվում է երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև Պայմանագրով նախատեսված Ապրանքի մատակարարման ավարտի օրը ներառյալ Վաճառողը Գնորդին է ներկայացնում մատակարարված Ապրանքի մասին իր կողմից ստորագրված հանձնման-ընդունման արձանագրության 2 օրինակ (Հավելված N 2) և Պայմանագրի արդյունքը Գնորդին հանձնելու փաստը ֆիքսող փաստաթուղթը (Հավելված N 2.1):

6.3 Հանձնման-ընդունման արձանագրությունն ստորագրվում է, եթե մատակարարված Ապրանքը համապատասխանում է Պայմանագրի պայմաններին: Հակառակ դեպքում Պայմանագրի կամ դրա մի մասի կատարման արդյունքները չեն ընդունվում, հանձնման-ընդունման արձանագրություն չի ստորագրվում և Գնորդը՝

ա) հարցի կարգավորման համար ձեռնարկում է նման իրավիճակի համար Պայմանագրով նախատեսված միջոցները.

բ) Վաճառողի նկատմամբ կիրառում է Պայմանագրով նախատեսված պատասխանատվության միջոցներ:

6.4 Գնորդը հանձնման-ընդունման արձանագրությունը ստանալու պահից 10 օրյա ժամկետում Վաճառողին է ներկայացնում իր կողմից ստորագրված հանձնման-ընդունման արձանագրության մեկ օրինակը կամ Ապրանքը չընդունելու պատճառաբանված մերժումը:

6.5 Եթե Գնորդը Պայմանագրի 6.4 կետով սահմանված ժամկետում չի ընդունում Պայմանագրի արդյունքը կամ չի մերժում, ապա այն համարվում է ընդունված և Պայմանագրի 6.4 կետով սահմանված վերջնաժամկետին հաջորդող աշխատանքային օրը Գնորդը Վաճառողին է տրամադրում իր կողմից հաստատված հանձնման-ընդունման արձանագրությունը:

7. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

7.1 Վաճառողը պատասխանատվություն է կրում հանձնած Ապրանքի որակի և Պայմանագրով նախատեսված՝ մատակարարման ժամկետների պահպանման համար:

7.2 Վաճառողի կողմից Պայմանագրով նախատեսված Ապրանքի մատակարարման ժամկետների խախտման դեպքում Վաճառողից յուրաքանչյուր ուշացված օրվա համար գանձվում է տույժ՝ մատակարարման ենթակա, սակայն չմատակարարված Ապրանքի գնի 0,05 (զրո ամբողջ հինգ հարյուրերորրորդական) տոկոսի չափով:

7.3 Պայմանագրի 7.2 և 7.4 կետերով նախատեսված տույժը և տուգանքը հաշվարկվում և հաշվանցվում են Վաճառողին վճարման ենթակա գումարների հետ:

7.4 Պայմանագրի 1.1 կետում նշված Տեխնիկական բնութագրին չհամապատասխանող Ապրանք մատակարարելու յուրաքանչյուր դեպքում Վաճառողից գանձվում է տուգանք՝ Պայմանագրի ընդհանուր գնի 0,5 (զրո ամբողջ հինգ տասնորրդական) տոկոսի չափով:

7.5 Գնորդի կողմից Պայմանագրի 4.2 կետով նախատեսված ժամկետի խախտման համար Գնորդի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորրորդական) տոկոսի չափով:

7.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

7.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

8. ԱՆՀԱՂԹԱՎԱՐԵԼԻ ՈՒԺԻ ԱԶԴԵՑՈՒԹՅՈՒՆԸ /ՖՈՐՍ-ՄԱՎՈՐ/

Պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

9. ԱՅԼ ՊԱՅՄԱՆՆԵՐ

9.1 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև Պայմանագրի կնքումը, Վաճառողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա

¹ Պայմանագիրն օրենքի 14-րդ հոդվածի 7-րդ կետի հիման վրա կնքված լինելու դեպքում փուլանքը հաշվարկվում է պայմանագրի գնի այն մասի նկատմամբ, որի համար փվալ փարվա ընթացքում կհարկազակն ֆինանսական միջոցներ և կկնքվի համաձայնագիր:

այդ հիմքերն ի հայտ գալուց հետո Գնորդը իրավունք ունի միակողմանիորեն լուծելու Պայմանագիրը, եթե արձանագրված խախտումները մինչև Պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային Պայմանագիրը չկնքելու համար: Ընդ որում, Գնորդը չի կրում Պայմանագրի միակողմանի լուծման հետևանքով Վաճառողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Գնորդի կրած վնասներն այն ծավալով, որը չի ծածկվում մինչև լուծումը գնման Պայմանագրի կատարմամբ Գնորդի ստացածով:

9.2 Պայմանագիրն ուժի մեջ է մտնում Կողմերի ստորագրման պահից և գործում է մինչև կողմերի Պայմանագրով ստանձնած պարտավորությունների ողջ ծավալով կատարումը:

Սույն պայմանագրի N 1 հավելվածով նախատեսված Ապրանքների մատակարարումը իրականացվում է այդ նպատակով ֆինանսական միջոցների առկայության և դրա հիման վրա կողմերի միջև համապատասխան համաձայնագրի կնքման հիման վրա:

Սույն պայմանագիրը լուծարվում է, եթե այն կնքվելու օրվան հաջորդող տարվա ընթացքում այդ նպատակով պայմանագրի կատարման համար ֆինանսական միջոցներ չեն նախատեսվում:

Պայմանագրից ծագած՝ կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

9.3 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

9.4 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա Պայմանագրի անբաժանելի մասը:

Արգելվում է Պայմանագրում, իսկ եթե Պայմանագրի գինը գործոնային է, ապա նաև այդ Պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող Ապրանքի ծավալների կամ ձեռք բերվող Ապրանքի միավորի գնի կամ Պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ Պայմանագրի փոփոխման դեպքերը սահմանում է Հայաստանի Հանրապետության կառավարությունը:

9.5 Պայմանագիրն ուժի մեջ մտնելու օրվանից մինչև ապրանքի ամբողջ ծավալով մատակարարման ժամկետի ավարտն ընկած ժամանակահատվածի յուրաքանչյուր վեցերորդ ամիսը լրանալը Գնորդը «Գնումների մասին» ՀՀ օրենքի 14-րդ հոդվածի 7-րդ կետի հիման վրա սահմանված կարգով շրջանակային համաձայնագրերով կազմակերպում է տվյալ ապրանքի ձեռքբերման նոր ընթացակարգ: Եթե այդ ընթացակարգի արդյունքում սահմանված կարգով ձևավորված նվազագույն միավոր գինը որևէ ապրանքի մասով ցածր է Պայմանագրով սահմանված գնից, ապա այդ մասով Գնորդը մեկ աշխատանքային օրվա ընթացքում Վաճառողին ներկայացնում է ապրանքը ձևավորված ցածր գնով մատակարարելու պահանջ և Պայմանագրում փոփոխություն կատարելու վերաբերյալ համաձայնագրի նախագիծը: Եթե Վաճառողը երկու աշխատանքային օրվա ընթացքում չի ստորագրում և Գնորդին ներկայացնում Պայմանագրում փոփոխություն կատարելու վերաբերյալ համաձայնագիրը, ապա այդ մասով Գնորդը ընտրված մասնակցի հետ կնքում է նոր պայմանագիր և դրա ուժի մեջ մտնելու ամսաթվին համապատասխան այդ մասով միակողմանիորեն լուծում է Պայմանագիրը՝ առանց Վաճառողի նկատմամբ Պայմանագրով նախատեսված պատասխանատվության միջոցների կիրառման:

9.6 Ապրանքի մատակարարման ժամկետը կարող է երկարաձգվել մինչև Պայմանագրով այդ ժամկետը լրանալը Պայմանագրի կողմի առաջարկության առկայության դեպքում՝ պայմանով, որ՝ Գնորդի մոտ չի վերացել գնման առարկայի օգտագործման պահանջը: Ընդ որում սույն կետով սահմանված դեպքում Ապրանքի մատակարարման ժամկետը կարող է երկարաձգվել մեկ անգամ մինչև 30 օրացուցային օրով:

9.7 Պայմանագրի պատշաճ կատարման պայմաններում կողմերի (Վաճառող կամ Գնորդ) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ Պայմանագրի կատարման շրջանակում Վաճառողի կնքած այլ գործարքները և դրանցից բխող պարտավորությունները, դուրս են Պայմանագրի կարգավորման դաշտից և չեն կարող ազդել Պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ

գործարքների հետ կապված հարաբերությունները կարգավորող նորմերով, և դրանց համար պատասխանատու է Վաճառողը:

9.8 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցման դեպքերի: Ընդ որում, Պայմանագրի կողմերի պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցումը:

9.9 Պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են դատական կարգով:

9.10 Պայմանագիրը կազմված է 12 էջից, կնքվում է երկու օրինակից, որոնք ունեն հավասարազոր իրավաբանական ուժ, յուրաքանչյուր կողմին տրվում է մեկական օրինակ: Պայմանագրի N 1, N 2 և N 2.1 հավելվածները, համարվում են Պայմանագրի անբաժանելի մասը:

9.11 Պայմանագրի հետ կապված հարաբերությունների նկատմամբ կիրառվում է Հայաստանի Հանրապետության իրավունքը:

10. Կողմերի հասցեները, բանկային վավերապայմանները և ստորագրությունները


Գնորդ

ՀՀ ֆինանսների նախարարություն
ք. Երևան, Մ. Ադամյան-1
ՀՀ ֆինանսների նախարարության
աշխատակազմի գործառնական վարչություն
Հ/Հ 900013202016, 900013574018
ՀՎՀՀ 02629081
ՀՀ ՖՆ աշխատակազմի ղեկավար՝



Վաճառող

«ՏՈՅՈՏԱ ԵՐԵՎԱՆ» ՍՊԸ
ք. Երևան, Արարատյան-117/1
«Ամերիաբանկ» ՓԲԸ
Հ/Հ 1570003667300100
ՀՎՀՀ 01557589
«ՏՈՅՈՏԱ ԵՐԵՎԱՆ» ՍՊԸ-ի գլխավոր տնօրեն՝



ՏԵԽՆԻԿԱԿԱՆ ԲՆՈՒԹԱԳԻՐ-ԳՆԱՆԱՆ ՓԱՄԱՆԱԿԱՑՈՒՅՑ

Գնման առարկայի՝

Կ/Ց	Դասակարգում	Սկզբնական դրույթներ	Դ/Ց	Կողմ	Սկզբնական արժեք	Սկզբնական արժեք	Սկզբնական արժեք	Սկզբնական արժեք	Սկզբնական արժեք
1	Հատուկ նշանակության մասնագիտացված մեքենա /մարդատար/ Toyota Camry 2.5L GAS	Չշահագործված, թողարկված տարեթիվը 2015թ. առավելագույն վազը չի կարող գերազանցել 100կմ, թափի տեսակը՝ սեղան, գույնը՝ սև, երկարությունը՝ 4850մմ, լայնությունը՝ 1825մմ, բարձրությունը՝ 1480մմ, շարժիչը՝ 4 գլանային շարժիչ, բենզինային Dual VVT-i, շարժիչի աշխատանքային ծավալը՝ 2.5լ, շարժիչի հզորությունը՝ 181 Ձ/Ու, EURO 4, փոխանցման տուփը՝ ավտոմատ-տիպի 6 աստիճան, անվտանգությունը՝ թեթևածույլ այլուսին 215/60R16 փառնիցի ծախսը՝ 100կմ համար՝ 5.9-11լ, Անվտանգության ABS (արգելակների ապագրվակորման համակարգ), VSC(կողմային կայունության համակարգ), EBD, (արգելակման ուժի բաշխման համակարգ), Brake Assist (շտապ արգելակման համակարգ), 8 հատ անվտանգության բարձրիկներ, հավանաշուշային առջևի և հետևի լուսարձակներ, կենտրոնական փակված հեռակառավարմամբ, կլիմատ կոնտրոլ 3-գույն, բոլոր համակարգիչ, բոլոր ապակիները էլեկտրակառավարվող, արտաքին հայելիները էլեկտրակառավարվող և տաքացվող, լուսադիոյային ցերեկային լույսեր, բազմաֆունկցիոնալ ղեկանիվ, AM/FM/CD/ Bluetooth ատրիոհամակարգ՝ 6 բարձրախոսներով, USB/AUX մուտքերով, կրոյիզ կոնտրոլ համակարգ, սենսորային մոնիտոր հետադարձ տեսանկյունով, էլեկտրական լույսի և անձրևի սենսորներ, շարժիչի ադապտիվ, լույսի և անձրևի սենսորներ, շարժիչի մեկնարկման կոճակի օգնություն, սրանի ձևավորման փայտ և կաշի, առջևի և հետևի կայանման սենսորներ, առջևի և հետևի	հատ	4	15600000	62400000	<p>ապրանքն ընդունելու օրվան հաջորդող օրվանից հաշված առնվազն 36 ամիս կամ 100000 կմ</p>	<p>Երաշխիքային սպասարկման ժամկետի ավարտից հետո 66 ամիս հետերաշխիքային սպասարկում տվյալ պահին Վաճառողի մոտ գործող գներից 5% զեղչով, ներառյալ սպասարկման համար անհրաժեշտ պահեստամասերը</p>	<p>Մատակարարումն իրականացվում է այդ նպատակով համապատասխան ֆինանսավան միջոցների առկայության և դրա հիման վրա կողմերի միջև համապատասխան համաձայնագրի կնքման հիման վրա՝ համաձայնագրին ուժի մեջ մտնելու օրվանից հաշված 31-րդ աշխատանքային օրը:</p> <p>ՀՀ ՖՆ ք. Երևան, Մ. Խորենացու 3</p>

		<p>նստատեղերը էլեկտրակառավարմամբ և տաքացվող, հետևի դիմապակու վարագույր՝ էլեկտրակառավարմամբ, լուսարձակները լվացվող, սարքավորված՝ ձայնային և բարձրախոսային համակարգով, դիմացից լուսադիողային զունավոր լուսարձակներով, ռադիոկապով, լուսադիողային շարժական լուսատուներով՝ լիցքավորելու հնարավորությամբ, լրացուցիչ վարդակներով, քաշը 1540կգ, լուսածերպը ավելացված 30մմ-ով, դիմացից և հետևից լրացուցիչ պաշտպանիչ խողովակներով ամրացնելու հնարավորությամբ, հետևի նստատեղերը ծավիղ, բեռնախցիկի հատակը ռետինեպատ:</p>							
2	<p>Հատուկ նշանակության մասնագիտացված մեքենա ամենազննաց /5 տեղանոց/ Toyota RAV4 2.5 L GAS</p>	<p>Չշահագործված, թողարկման տարեթիվը 2015թ, առավելագույն վազքը 7կմ, թափքի տեսակը՝ ամենազննաց, գույնը՝ սև, երկարությունը՝ 4570մմ, լայնությունը՝ 1845մմ, բարձրությունը՝ 1670մմ շարժիչը՝ բենզինային՝ շարժիչի աշխատանքային ծավալը 2.5լ, 4 գլանային, շարժիչի հզորությունը՝ 180 Ձ/ՈՒ, փոխանցման տուփը՝ ավտոմատ-տիպտորնիկ 6 աստիճան, անվահեծերը՝ թեթևվաճույլ այլումինե 265/65R-17 վառելիքի ծախսը՝ 100կմ համար՝ 6.8-11լ, Անվտանգության ABS (արգելակների ապարկավորման համակարգ), VSC HAC (անիվների հակատեղապտուտային, կուրսային կայունության, բարձունք հարթահարելու համար օժանդակ), 9 հատ անվտանգության բարձիկներ, հակամշուշային առջևի և հետևի լուսարձակներ, ESP էլեկտրական ղեկային ուժեղացման համակարգ, կենտրոնական փական հեռակառավարմամբ, 2-գոտի կլիմատ կոնտրոլ, կրուիզ կոնտրոլ, բորտ համակարգիչ, բոլոր ապակիները էլեկտրակառավարվող, արտաքին հայելիները էլեկտրակառավարվող և տաքացվող, լուսադիողային ցերեկային լույսեր, ինտերակտիվ բազմաֆունկցիոնալ ղեկանիվ, AM/FM/CD/ Bluetooth աուդիոհամակարգ՝ 6 բարձրախոսներով, USB/AUX մուտքերով, կրուիզ կոնտրոլ համակարգ, սենսորային մոնիտոր հետադարձ տեսախցիկով, էլեկտրական լյուկ, բեռնախցիկի դուռը էլեկտրակառավարմամբ, լույսի և անձրևի սենսորներ, շարժիչի մեկնարկումը կոճակի օգնությամբ, սրահը կաշեպատ, առջևի և հետևի կայանման սենսորներ, առջևի նստատեղերը էլեկտրակառավարմամբ և տաքացվող, բեռնախցիկը սարքավորված՝ ձայնային և բարձրախոսային համակարգով, ռադիոկապով, լուսադիողային շարժական լուսատուներով՝ լիցքավորելու հնարավորությամբ, լրացուցիչ</p>	հատ	2	19400000	38800000	<p>ապրանքն ընդունելու օրվան հաջորդող օրվանից հաշված անվազն 36 ամիս կամ 100000 կմ</p>	<p>Երաշխիքային սպասարկման ժամկետի ավարտից հետո 66 ամիս հետերաշխիքային սպասարկում տվյալ պահին Վաճառողի մուտ գործող գներից 5% զեղչով, ներառյալ սպասարկման համար անհրաժեշտ պահետամասերը</p>	<p>Ատտակարարումն իրականացվում է այդ նպատակով համապատասխան ֆինանսական միջոցների առկայության և դրա հիման վրա կողմերի միջև համապատասխան համաձայնագրի կնքման հիման վրա՝ համաձայնագիրն ուժի մեջ մտնելու օրվանից հաշված 31-րդ աշխատանքային օրը:</p> <p>ՀՀ ՖՆ ք. Երևան, Ա. Խորենացու 3</p>

<p>Հատուկ նշանակության մասնագիտացված մեքենա անմահացաց /7 տեղանոց/ Toyota Prado 4.0L GAS</p>	<p>վարդակներով, բաշել 2110կգ, դիմացից և հետևից լրացուցիչ պաշտպանիչ խողովակներով ամրացնելու հնարավորությամբ, հիդրավիկ բեռնաբարձակ համակարգ ամրացնելու հնարավորությամբ, լրամածրույթ ավելացված 50մմ-ով, բեռնակցիկի ծավալը 506լիտր, լրացուցիչ բեռնի բավով, ցանցապատ արվերով շներին տեղափոխելու համար՝ ամրացնելու հնարավորություն, բեռնախցիկի հատակը ռետինապատ օղակոխության համակարգ, թափքի պաշտպանիչ վահանակներ, լիպչափ պահեստային անվարող:</p>	<p>25300000</p>	<p>25300000</p>	<p>1</p>	<p>հատ</p>	<p>ապրանքն ընդունելու օրվան հաջորդող օրվանից հաշված առնվազն 36 ամիս կամ 100000 կմ</p>	<p>Մատակարարումն իրականացվում է այդ նպատակով համապատասխան ֆինանսական միջոցների առկայության և դրա հիման վրա կողմերի միջև համապատասխան համաձայնագրի կնքման հիման վրա՝ համաձայնագրին ուժի մեջ մտնելու օրվանից հաշված 31-րդ աշխատանքային օրը: ՀՀ \$ և ք. Երևան, Մ. Խորենացու 3</p>
<p>3</p>	<p>2-շահագործված, թողարկման տարեթիվը 2015թ. առավելագույն վազըը 7կմ, թափքի տեսակը ամենազանազ, գոյվը սև, երկարությունը՝ 4780մմ, լայնությունը՝ 1865մմ, բարձրությունը՝ 1890մմ, շարժիչը՝ բենզինային՝ շարժիչի աշխատանքային ծավալը 4.0լ, 6 գլանային Dual VVT-i, շարժիչի հզորությունը՝ 282 Ձ/ՌԽ, փոխանցման տուսիլ՝ ավտոմատ-տիպորնիկ 5 աստիճան, անվահեծերը՝ թեթևածույլ այլամինե 265/60R-18, վառելիքի ծախսը՝ 100կմ համար՝ 8.6-14.7 լիտր, միջլիտրային դիֆերենցիալ բլովակիրումով, մշտական վիաբարչակ համակարգ-իջեցնող փոխանցումաշարքով, Անվտանգության ABS (արգելվածների ապարկավորման), VSC, HAC, DAC, TRC (անիվների հակատեղապտույտային) համակարգեր, 9 հատ անվտանգության բարձիկներ, հակաձուշային առջևի և հետևի լրատրամակներ, լրատրամակները քանոնային և արաստիվ, էլեկտրական ղեկային ուժեղացման համակարգ, կենտրոնական փական հեռակառավարմամբ, 3-գուտի կլիմատ կոնտրոլ, բոլոր համակարգիչ, բոլոր ապակիները էլեկտրականապարկվող, արտաքին հայելիները էլեկտրականապարկվող և տաքացվող լրատրոպային ցերեկային լույսեր, բազմաֆունկցիոնալ ղեկանիվ, AM/FM/CD ատդիոհամակարգ՝ 6 բարձրախոսներով, USB/AUX մուտքերով, քրոլիզ կոնտրոլ համակարգ, մոնիտոր հետադարձ տեսախցիկով, լույսի և անձրևի սենսորներ, շարժիչի մեկնարկումը կոճակի օգնությամբ, սրահը թավշյա, առջևի և հետևի կայանման սենսորներ, առջևի նստատեղերը էլեկտրականապարկմամբ, բեռնախցիկը սարքավորված՝ ձայնային և բարձրախոսային համակարգով, ռադիոկապով, լրացուցիչ ծախսի 2 նստատեղերով, աշխատանքային ծախսի սերանով, լրատրոպային շարժական լրատուներով՝</p>	<p>25300000</p>	<p>25300000</p>	<p>1</p>	<p>հատ</p>	<p>Երաշխիքային սպասարկման ժամկետի ավարտից հետո 66 ամիս հետերաշխիքային սպասարկում տվյալ պահին Վաճառողի մոտ գործող գներից 5% զեղչով, ներառյալ սպասարկման համար անհրաժեշտ պահեստամասերը</p>	<p>Մատակարարումն իրականացվում է այդ նպատակով համապատասխան ֆինանսական միջոցների առկայության և դրա հիման վրա կողմերի միջև համապատասխան համաձայնագրի կնքման հիման վրա՝ համաձայնագրին ուժի մեջ մտնելու օրվանից հաշված 31-րդ աշխատանքային օրը: ՀՀ \$ և ք. Երևան, Մ. Խորենացու 3</p>

լիցենզավորելու հնարավորությամբ, լրացուցիչ վարդակներով, քաշը 2900կգ, լուսածերպը ավելացված 50մմ-ով ,դիմացից և հետևից լրացուցիչ պաշտպանիչ խողովակներով, հնարավորություն ամրացնել հիդրավլիկ բեռնաքարշակ համակարգ, սառնարան, լրացուցիչ բենզինի բակով, ցանցապատ արկղերով շներին տեղափոխելու համար՝ ամրացնելու հնարավորություն, բեռնախցիկի հատակը ռետինեպատ, օդափոխության համակարգ, թափքի պաշտպանիչ վահանակներ, լիպչափ պահեստային անվադող:

**Ապրանքը պետք է լինի չօգտագործված:

***Սույն տեխնիկական բնութագրով ավտոմեքենաները պատկանում են հատուկ նշանակության ավտոմեքենաների դասին և նախատեսված են մարզերում տեղակայված տարածքային հարկային տեսչություններում, սահմանային մաքսատներում և մաքսակետերում օպերատիվ հետախուզության ծառայությունների մատուցման, ինչպես նաև մաքսանենգության և ՀՀ քրեկան դատավարության օրենսգրքով նախատեսված այլ հանցագործությունների, ՀՀ մաքսային սահմանով ապրանքների և տրանսպորտային միջոցների տեղափոխմանը վերաբերող մասով ՀՀ օրենսդրության այլ խախտումների դեմ պայքարի, ՀՀ մաքսային սահմանով թմրամիջոցների, զենքի, մշակութային և այլ ապրանքների ապօրինի տեղափոխման կանխարգելմանը:

Գնորդ

ՀՀ ֆինանսների նախարարություն
 ք. Երևան, Մ.Ադամյան-1
 ՀՀ ֆինանսների նախարարության
 աշխատակազմի գործառնական վարչություն
 Հ/Հ 900013202016, 900013574018
 Հ/Հ/Հ 02629081
 ՀՀ ՖՆ աշխատակազմի ղեկավար՝



Վաճառող

«ՏՈՅՈՏԱ ԵՐԵՎԱՆ» ՍՊԸ
 ք.Երևան, Արարատյան-117/1
 «Ամերիաբանկ» ՓԲԸ
 Հ/Հ 1570003667300100
 Հ/Հ/Հ 01557589
 «ՏՈՅՈՏԱ ԵՐԵՎԱՆ» ՍՊԸ-ի գլխավոր տնօրեն՝

Վ. Գրգորյան
 (ստորագրություն)
 4.5

Պայմանագրի կողմ

գտնվելու վայրը _____
հհ _____
հվհհ _____

Պատվիրատու

գտնվելու վայրը _____
հհ _____
հվհհ _____

**ԱՐԶԱՆԱԳՐՈՒԹՅՈՒՆ N
ՀԱՆՁՆԱԿ-ԸՆԴՈՒՄԱՆ**

« » « » 20 թ.

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ « » « » 20 թ.

Պայմանագրի համարը՝ _____

Պատվիրատուն՝ ի դեմս _____ և

Պայմանագրի կողմը՝ ի դեմս _____, հիմք ընդունելով

Պայմանագրի կատարման վերաբերյալ « » « » 20 թ. կազմված՝ գնման հայտը նախագծած ներկայացուցչի N եզրակացությունն այն մասին, որ Պայմանագրով նախատեսված՝ ստորև նշված մատակարարումները համապատասխանում են Պայմանագրով ամրագրված տեխնիկական բնութագրերին և գնման ժամանակացույցին՝ կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը մատակարարել է հետևյալ ապրանքները՝

Մատակարարված ապրանքների								
N	անվանումը	տեխնիկական բնութագրի համառոտ շարադրանքը	քանակական ցուցանիշը		կատարման ժամկետը		Վճարման ենթակա գումարը /հազար դրամ/	Վճարման ժամկետը /ըստ վճարման ժամանակացույցի/
			ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի		

Վերոհիշյալ մատակարարումների վերաբերյալ բոլոր հաշիվ-ապրանքագրերը հանդիսանում են սույն արձանագրության բաղկացուցիչ մասը և կցվում են:

Ապրանքը հանձնեց

ստորագրություն

ազգանուն, անուն
Կ.Տ.

Ապրանքը ընդունեց

ստորագրություն

ազգանուն, անուն
Կ.Տ.

ԱԿՏ N

պայմանագրի արդյունքը Գնորդին հանձնելու փաստը ֆիքսելու վերաբերյալ

Սույնով արձանագրվում է, որ -----ի (այսուհետ՝ Գնորդ) և
(Գնորդի անունը)
 -----ի (այսուհետ՝ Վաճառող) միջև 20 թ. ----- -ին կնքված N -----
(Վաճառողի անունը)
 գնման պայմանագրի շրջանակներում Վաճառողը 20 թ. ----- -- -ին հանձնման-
 ընդունման նպատակով Գնորդին հանձնեց ստորև նշված ապրանքները.

Ապրանքի		
Անվանումը	Քանակական ցուցանիշը (փաստացի)	Չափի միավորը

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

Հանձնեց

 ազգանուն, անուն

 ստորագրություն

Ընդունեց

հայտը նախագծած ներկայացուցիչ՝

 ազգանուն, անուն

 ստորագրություն